



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Donatio med. Hub. in Eschelbach Reundorferij.

urn:nbn:de:hbz:466:1-13591

reuerteretur. Super quo &c. Testes *Eber*: prior, frater *Grimoldus*, *Martinus* provisor domus, *Ott de Aesenbaim*, *Dietricus* iudex, *Gurro de Haideburch*, *H. Ebling*. Acta M. CCC. XI. in die Apostolorum *Philip. & Iacobi*.

Fraternitas data nobilibus à Capitulo generali.

Adam Dei patientia *Præmonstraten*. Abbas & Abbatum ejusdem ordinis Capitulum generale. Venerabili & dilecto in Christo fratri . . . Abbati, totiq; Conuentui in *Osterhouen*, vniuersis aliis quos nosse fuerit oportunum, tam presentibus quam futuris salutē in omni Saluatore. Cum affectus fidelium, quē habent in piis & bonis operib; sic promouendus & accēdendus in quantum potest fieri, vt & ipsorum deuotio augeatur, & diuinus cultus amplificetur, presertim q; exemplum bonorum operum fidelibus vniuersis: proinde nos *Adā* Dei patientia *Præmonst.* Abbas, & ejusdē ordinis Capitulum generale. considerantes affectū quē habēt ad ordinē nostrum & præcipuē ad Ecclesiā *Osterb.* viri spectabiles *Comites de Hals*, videl: *Albertus & Alramus*, nec non nobiles viri milites *Hartlibus & Syfridus de Puechperch*, *Wilhelmus de Wintzer*, *Frider. Saxo*, & *Gotfridus de Hausena*, cum eorum vxoribus & liberis, plenā participationem omnium bonorum, quæ in toto nostro sūt ordine, ipsis benigna in Domino concedimus charitate, adijcētes de gratia speciali, quod omnes conditiones & deuotiones, quas de missis vel vigiliis, seu aliis bonis operibus tam spiritualibus quam temporalibus in suis litteris expresserunt siue statuerunt, seu pro fratrum pietancia siue aliis operibus quibuscunq; approbamus, ratificamus, & confirmam; in perpetuum, sub harum testimonio litterarum, ita quod nulli hominum nobis seu ordini nostro subiectis, siue Abbas fuerit, siue alius qualiscunq; de ipsorū ordinatione, quicquā aliud facere liceat, quam quod prædicti benefactores *Osterhouen* Ecclesiæ, in suis litteris expresserunt, subterminatione diuini examinis & nostri ordinis disciplina: Datum & actum an. Dñi M. CCC. XII. sedente nostro Capitulo generali.

Donatio med. Hub. in *Eschelbach Reundorferij*.

Ego *Eberhardus* plebanus in *Wintzer & Jordanus* germanus meus dicti *Reundorferij* presentibus profiteor, quod mediā hubā nostrā in *Eschelbach* siā ante nemus quod dicitur *Strainchart* donauimus infirmariē Ecclesiæ *Osterhou.* sub tali conditione, vt quamdiu nos ambo vixerimus cuncti proventus, qui in omnem euentum ex hac prouenerint in vsus nostros integraliter cedere debeant añuatim: Sed Dominus Abbas prædictę Ecclesiæ eandem habeat instituire singulis añis nobis ambobus presentibus ad nostrum consilium & fauorem; vno quoque nostrum ab hoc seculo emigrante, alter qui superstes fuerit, diem obitus sui in amministrazione subscripta, videl. medij talenti denariorum ad refectorium Conuentus ibidem XXIV. denariorum custodi ipsius loci ad luminaria exequiarum diei obitus, quatuor denariorum sacerdoti in officiātū in die depositionis seu añniuersarij, quatuor quoq; denariorum ecclesiastico pro solempni pulsu cāpanarum añis singulis celebrabit, quo etiam mortuo, prædicta mediā huba cum omnibus suis prouentibus, quæ sint & inquirendis ad vsū præfata infirmarię sine omni contradictione vel juris cuiusquā vsurpatione omnium nostrorum, consanguineorum, vel etiam quorumcunq; aliorum liberē deuoluetur, & ex tunc dies añniuersarij obitus nostri amborum, simul die sub amministrazione præmissa integraliter seruanda de prouentibus ipsius medię hubæ per infirmariam quicquam fuerit in perpetuum celebrabitur, hoc addico, quod si quid ultra hujusmodi amministrazione vniuersalem de redditibus ipsius prædictę medię hubæ super fuerit hoc ipsum ad infirmariā pro infirmorū melioratione præben-

præbendæ debeat cedere annuatim. In cuius rei memoriam præsentis damus litteras, sigillorum Domine *Petrissæ* relicte, nobilis viri Domini *Hartlibi* dicti quondam de *Puechperch* piæ memoriæ, nec non Domini *Eberhardi* plebani de *Viechtah* munimine roboratas. Datum in *Osterhouen* anno Domini M. CCC. tricesimo primo, in die sancti *Nicolai* Pontificis gloriosi.

De quinta minutione & candel. pro festo *Corporis Christi*,
& candel. S. *Albani*.

NE rerum pio deuotionis affectu gestarum labatur memoria, inuenta sunt à prosperitatibus remedia scripturarum, quæ consueuerunt fragilitatem humani generis æternare. Hinc est quod nos *Hermannus* diuina miseratione Abbas Ecclesiæ in *Osterhouen*, attendentes deuota & beneuolentia, nostri Conuentus in diuino cultu seruitia prouentus nostræ exterioris Parochiæ & oblationum, quæ in pios vsus redigi dignè debent, supernæ remunerationis intuitu, imò cõpassione naturæ inducti & hortati, pro commoditate communi, non priuata, sub conditionibus infra scriptis de communi consensu nostri prælibati Conuentus præuia matura deliberatione duximus nostræ infirmariæ perpetualiter annectendos. Videlicet vt ex prænotatis prouentibus siue oblationibus annis singulis in quinta minutione quæ hætenus haberi apud nos non consueuit circa festum beati *Iohannis Baptiste* consuetudini ordinis conformem, quam etiam ipse Infirmarius, qui pro tempore erit, secundum formam aliarum minutionum sufficienter ministrabit. Præterea vinum sacrificale quod custodes nostri Monasterij retroactis temporibus procurauerunt de communi nostro Cellari volumus recipi, hac condicionalitate subiecta, vt omnibus diebus ad eleuationem Corporis & Sanguinis Domini in publica Missa, duæ solemnes candelæ accendantur: & à festo *Pasche* inclusiuè vsque ad festum beati *Michaelis*, in honorem beati *Albani*, contra malignitatem æreærum tempestatum, vna candela ardens, ad missam choralem per Custodè procuretur, quæ etiam post finem missæ antè *Corpus Christi* infra ambitum ad benedictionem frugum per ministrum deportetur. Cæterum ob reuerentiam Sacramenti Sacramentorum, in festo votiuo Corporis in processione quinque candelæ solemnes, ante & post Corpus Domini cum accendantur, quæ etiam pro publicæ missæ solemnia indeficienter rutilantes perseuerent. Vt ergo hæc nostræ actionis memorialitas cunctis futuris temporibus inconuulsa & illibata permaneat, nos hanc chartam conscribi fecimus, & sigillorum, videl: Domini Reuerendi *Alberti* Præpositi Ecclesiæ *Vrspergen*. nostri Patris Abbatis, & annui visitatoris, nec non sui conuicatoris Domini *Chunr.* honorabilis Præpositi Monasterij *Schefelarn*, impressione muniri impetrauimus, & suæ auctoritatis plenitudine confirmari, ne aliquis nostrorum successorum eadem infringere, minuere, vel perturbare, aut alienare præsumat quoquo modo. Insuper ad maiorem euidentiã præsentis venerabilium Dominorum, scil. Domini *Gotschal. Wimbergen.* & Domini *Heinr. S. Saluat.* Ecclesiarum Prælatis, nec non nostri & nostri supratacti Conuentus sigillis procurauimus robore consignari. Datum & actum anno Dñi. M. CCC. XXXVIII. in festo Natiuitatis B. *Iohannis Baptiste*.

De vinea *Chremsleiten* à *Leubserinna*.

NOs frater *Otto* dictus Abbas *Zvueslen* Monast. totusque Conuentus ibidem: tenore præsentium profiteamur tam præsentibus quam futuris, quod honesta & Deo deuota vidua Domina *Gerdrudis* cognomine *Leubserinna* residens in ciuitate